

# LEVÍTICO

## (Lewítanüxüarü puracüchiga)

### Āmaregüarü guchicaxüchiga

**1** <sup>1</sup>Rü nüma ga Cori ya Tupana rü napatawa Moichéçax naca, rü nhanagürü nüxü: <sup>2</sup>—Ĭcū namaxā nüxü ixu i ngēma Iraéutanüxügü rü ngēxguma texé āmare choxna āxgu rü name nixī i tümaarütama wocagüwa rüçxna tümaarütama carnérgüwa choxna tanamu! <sup>3</sup>Rü ngēma tümaarü āmare i tümaxūnatama ixixü rü woca iyatixü i taxuwama chixexü tá nixī. Rü ngēma nax tüxü namaxā chataāxēxüçax rü chapataaxtüwa ngēxmaxü i guchicaxüwa tá nixī i itayaguxü. <sup>4</sup>Rü naerugu tá nixī i taxúmexü nax tüxü chanayaxuxüçax i ngēma tümaarü āmare, rü tüxü nüxü icharüngümaxüçax i tümaarü chixexügü. <sup>5</sup>Rü ngēma woca i yatixü rü chapexegu tá nixī i tayawiyenaāxü. Rü ngēma Aróü nanegü i chacherdótegü tá nixī i choxna naxuaxügüxü ya yimá nagü. Rü ngēma chapataarü iāxtüwa ngēxmaxü i guchicaxü rü yimá nagümaxā tá nanamaxcuétü rü tá inanamaxcuegu. <sup>6</sup>Rü yimá chacherdóte ya çaxçax yagucü i ngēma āmare rü tá nanacauxçaxmüxü i ngēma naxüna rü

tá nanachexügü. <sup>7</sup>Rü ngēma chacherdótegü tá nixī i yanaixēēgüxü ya üxü nawa i ngēma guchicaxü. <sup>8</sup>Rü yima üxüwa tá nixī i inaguxü i ngēma naxünaarü chexügüxü rü naeru rü ngēma naünütaarü chíxü. <sup>9</sup>Rü yixema çaxçax inaguxe i ngēma namachi rü name nixī i meama dexámaxā tayayauxgüxü i naünüta rü naparagü. Rü nüma ya chacherdóte rü ngēma guchicaxüwa tá inanagu i guxüma nax chama namaxā chataāxēxüçax i ngēma naema i ngēma āmare —nhanagürü ga Cori ya Tupana.

.....

### Chixexügüarü ütänüruxü i āmaregü

**6** <sup>1</sup>Rü nüma ga Cori ya Tupana rü Moichémaxā nidexa rü nhanagürü nüxü: <sup>2</sup>—Ngēxguma texé chapexewa chixexü üxgux rü wüxi i taxewa tümamücüxü tawomüxēçgux, rüçxna wüxi i diēru i tümamücü tüxü namaxā nguxüxēçgüçax tümamücüxü tawomüxēçgux, rü chixexü taxü. Rü ngēxgumarüxü ta ega texé tümamücüxütawa taxacüçax tangixgu,

rüexna taxacüçax tüxü tachixewegu nax tüxna tanaxäxüçax rü nhuxüchi tama tanatádeguxêegu, rü chixexü taxü. <sup>3</sup>Rü ngëxgumarüxü ta ega texé wüxi i toxguaxarü ngëmaxü i iyarütaxuxü itayangaxgux rü itayacuxgu rü nhuxüchi nüxü tixuxgu nax tama nüxü itayangauxü, rü chixexü taxü. Rü ngëxgumarüxü ta ega notüçaxma tümamüçümaxä itaxunetagu notürü tama tayanguxêegu i ngëma nüxü tixuxü, rü chixexü taxü. <sup>4-5</sup>Rü ngëmacax ega texé ngëmaäcü chixexü üxgux, rü tá tanawoeguxêxê i guxüma i ngëma naxçax tangíxü, rü ngëma toxguaxna tanapuxü, rü ngëma wüxi i taxewa tümamüçüxü tawomüxêxü, rü ngëma iyarütaxuxü i nüxü itayangauxü, rü ngëma womüxêêäcü tayaxuxü. Rü naétü i ngëma naxçax tangíxü rü tá norü yorana tanaxä i ngëma naxçax tangíxüarü yexera, rü ngëmaäcü nhuxüchi chapexewa tá tanaga i tümaxüna i tümäärü chixexüçax choxna tayamuxü. <sup>6</sup>Rü ngëma tümaxüna i çauxçax timáxü rü tanaxwaxe i wüxi i carnéru i taxuwama nanhuxraxüxü nixí. Rü cumax, Pa Moichéx, rü tá cunangüü nax nanhuxraxüxü i tümäärü chixexü rü ngoxi tümaxüna i cuxütawa tagaxü rü marü tümäärü chixexütanügu name. Rü ngëma naxüna rü tümaxünantanüwa tá nixí i tanayaxuxü rü chacherdótxütawa tanagaxü nax chapexewa tümäärü chixexüçax tayaguxü. <sup>7</sup>Rü ngëmaäcü yimá chacherdóte rü tá choxna nachogü nax tüxü nüxü icharüngümäxüçax i tümäärü chixexü. Rü chama rü aixcuma tá tüxü nüxü icharüngüma —nhanagürü ga Cori ya Tupana.

**Uçuxê nax nhuxäcü  
yagugüaxü i ngëma  
ãmaregü**

<sup>8</sup>Rü nüma ga Cori ya Tupana rü Moichémaxä nidexa rü nhanagürü nüxü: <sup>9</sup>—¡Aróümaxä rü nanegümaxä nüxü ixu nax nhuxäcü tá yagugüaxü i ngëma naxünagü i çauxçax nadaixü! ¡Rü ngëma naxünagü i yagugüxü rü guxüma i ngëma chütaxü rü ngëma âmarearü guchicaxüarü áxwe ya naicüétügu nananu nax ngëxma yaxaexüçax! <sup>10</sup>Rü moxüäcü paçmama rü nüma ya chacherdóte rü tá nicuxcuchi i naxchiru i líüchinaxçax rü natüüchiru i ngëmarüütama ixíxü. Rü ngëmawena rü ngëma guchicaxüwa tá nanayaxu i ngëma naxünaarü tanimuca, rü ngëma âmarearü guchicaxücüwagu tá nanagütaquexe. <sup>11</sup>Rü ngëmawena rü tá ínacuxuchi rü to i naxchirugu tá nicux. Rü ngëmaäcü wüxi i nachica i mexü i íanepechinüwa íxpemawa tá nayagü ya yimá tanimuca. <sup>12</sup>Rü yima üxü ya ngëma naxünaarü guchicaxüwa naixüne rü tama name nax yaxoxü. Rü nüma ya chacherdóte rü nanaxwaxe nax naxüxüxüäxü i guxüma i paçmama. Rü ngëxma üxüétügu tá nanaxünagü i ngëma naxüna i tá yaguxü. Rü ngëxgumarüxü ta rü ngëma tá nayagu i norü chíxü i ngëma naxünagü i duüxügü choxna äxü nax namaxä icharüngüxmüxüçax. <sup>13</sup>Rü ngëmaäcü ya yima üxü i âmarearü guchicaxüwa naixüne rü tagutáma peyaxoxêxê —nhanagürü ga Cori ya Tupana.

.....

**Moiché rü duũxũgũpexewa  
chĩxũmaxã Aróuxũ nabaeru**

**8** <sup>1</sup>Rü nüma ga Cori ya Tupana rü Moichémaxã nidexa rü nhanagĩrũ:  
<sup>2</sup>—jĒcũ naxçax naca ya Aróu rü nanegũ!  
jRü nanutaquexẽ i ngẽma  
chacherdótegũchiru, rü ngẽma chĩxũ i  
baeruruxũ, rü ngẽma wocaxacũ i yatũxũ i  
chixexũarũ ütãnũçax imáxũ, rü ngẽma  
taxre i carnérugũ rü yimá pexchi i poũ i  
ngearũ pũxẽerũáxũ nãgu nucũ! <sup>3</sup>jRü  
nhũxũchi chapataãxtũarũ ùcuchicagu  
nangutaquexexẽxẽ i guxũma i duũxũgũ!  
—nhanagĩrũ ga Tupana. <sup>4</sup>Rü nüma ga  
Moiché rü nanaxũ ga yema Cori ya Tupana  
nũxũ ixuxũ. Rü nümagũ ga duũxũgũ rü  
guma Tupanapataãxtũarũ ùcuchicagu  
nangutaquexegũ. <sup>5</sup>Rü nüma ga Moiché rü  
nhanagĩrũ duũxũgũxũ: —Nhaa i nhũxmax  
tã chaxũxũ nixĩ i ngẽma Tupana choxũ  
muxũ nax chanaxũxũ —nhanagĩrũ. <sup>6</sup>Rü  
nüma ga Moiché rü Aróuçax rü nanegũçax  
naca rü Tupanapexewa dexãmaxã  
nayayauxgũ. <sup>7</sup>Rü yemawena rü wũxi ga  
maxpãxũ ga naxchirugu Aróuxũ  
nicũxcuchi rü mea nayachota ga norũ  
goyexũ. Rü nayacũxcuchi ga yema  
dũxétũwa ùxũ ga naxchiru. Rü yemaétũwa  
nayacũxcuchi ga naxchiru ga nuxũxũ ga  
ngechacũxũ ga lĩfũchinaxçax. Rü yema rü  
meama nayagota norũ goyexũmaxãtama.  
<sup>8</sup>Rü nhũxũchi nayangãxcuchi ga yema  
norũ türemũxũ. Rü yema norũ  
türemũxũarũ chacugu nananuxcu ga guma  
nutagũ ga Urrũ rü Tumĩũ. <sup>9</sup>Rü nhũxũchi  
nayangãxcuchipãtãxẽ. Rü yema  
napãtãxecatũwa nayaxũcuchi ga wũxi ga  
úiru ga botachinũxũ ga nawa nũxũ  
nacuaũgũxũ nax chacherdótegũarũ

ãẽxgacũ yixĩxũ, yerũ yemaacũ nixĩ ga Cori  
ya Tupana ga Moichéxũ namuxũ. <sup>10</sup>Rü  
yemawena rü nüma ga Moiché rü  
nanayaxu ga yema chĩxũ ga baeruruxũ rü  
nanamaxcũtũ ga guma Tupanapata rü  
norũ yemaxũgũ nax yemaacũ  
Tupanacãxicatama yaxĩgũxũçax. <sup>11</sup>Rü  
yematama chĩxũmaxã nanamaxcu <sup>7</sup>  
expũxcũna ga yema ãmaregũarũ  
guchicaxũ. Rü nhũxũchi yema chĩxũmaxã  
nanabaétũ ga yema ãmaregũarũ  
guchicaxũ, rü guxũma ga norũ yemaxũgũ,  
rü guma bachĩa ga yaxmẽpãxũ. Rü  
yemaacũ Tupanacãxicatama nayaxĩgũxẽxẽ.  
<sup>12</sup>Rü nhũxũchi ga Moiché rü Aróũerugu  
nanaba ga yema chĩxũ, rü yemaacũ  
Tupanaarũ puracũçax nũxũ naxuneta.  
.....

**Nadábĩ rü Abiũarũ chixexũ**

**10** <sup>1</sup>Notũrũ Aróu nanegũ ga Nadábĩ  
rü Abiũ rü wũxichigũ nanayaxu  
ga noxrũtama áxwepãxũ. Rü  
ngexcũrũcũmare ga áxwe ga tama  
Tupana naxwãxecũmaxã nanaxũacũgũ.  
Rü guma áxweétũgu nanagũ ga norũ  
pumãratãxẽ rü nhũxũchi Tupanapexewa  
nanangegũ nax yemamaxã nũxũ  
yacuaũtũgũxũçax. Rü yemaacũ tama  
nayangũxẽgũ ga yema Tupana namaxã  
nũxũ ixuxũ. <sup>2</sup>Rü yemaçax Tupanaxũtãwa  
ĩnaxũxũ ga ùxũema ga ìnaguxũ. Rü  
Tupanapexegu nayue. <sup>3</sup>Rü nüma ga  
Moiché rü Aróuxũ nhanagĩrũ:  
—Nhaachiga nixĩ ga yema Cori ya Tupana  
nũxũ ixuxũ ga yexguma nhaxgux: “Rü  
yĩxema choxna ngaicamachaũxe rü  
chama rü tã tũxũ chanawẽx nax aixcuma  
chaxũnẽxũ. Rü guxũma i  
Iraéutanũxũgũpexewa tã ichanawẽx i

chorü pora”, nhaxgu —nhanagürü ga Moiché. Rü nüma ga Aróü rü yéma nangeaxmare. <sup>4</sup>Rü nhuxüchi nüma ga Moiché rü naxçax naca ga Michaéu rü Euchapá ga Aróü nanepü ga Uyiéu nanegü, rü nhanagürü nüxü: —¡Yéa Tupanapatawa ípeyadaux i ngëma petanüxügü rü peyato i naxünegü! ¡Rü ñanechipenügu peyataxgü! —nhanagürü. <sup>5</sup>Rü nümagü ga Michaéu rü Euchapá rü yéma naxí, rü yema naxchirugümaxátama nananuquegü. Rü yemaacü nayato ga naxünegü rü nayataxgü, yema Moiché namaxá nüxü ixuxürüxü.

#### Chacherdótegüarü puracüchiga

<sup>6</sup>Rü yemawena ga Moiché rü nayaxucüxë ga Aróü rü nanegü ga Ereachá rü Itamá rü nhanagürü: —¡Taxütáma pegü pexixerugüxëxë rü pegüchirugu pegágüie nax ngëmaacü ipenawéxüçax i perü ngechaü naxçax i ngëma yuexü! Erü ngëxguma ngëmaacü penaxüxgux rü ngürüächi pema rü tá ta peyue rü guxütáma i duüxügümaxá tá nanu ya Tupana. Notürü name nax guxüma i ngëma togü i Iraéutanüxügü naxçax naxauxexü i ngëma taxre i norü chixexügagu Cori ya Tupana daixü. <sup>7</sup>Notürü i pemax i chacherdótegü nax pexígüxü ¡rü taxütáma nüxna pexígachi ya yima Tupanapata nax tama peyuexüçax! Erü pema rü woetama Tupanaarü puracüçax pexü naxuneta, rü yemaçax chíxü i üünexümaxá pexü chibaeru —nhanagürü ga Moiché. Rü yema Moiché namaxá nüxü ixuxüacü nanaxügü. <sup>8-9</sup>Rü yemawena ga nüma ga Cori ya Tupana rü nüxí Aróümaxá nidexa rü nhanagürü nüxü: —Ngëxguma

cuma rüexna cunegü ngëxma chapatagu pechocüxgux rü tama name ya wíu ya ngúcü rüexna taxacü i to i ngúxü pixaxgü. Rü nhaa pemaxá nüxü chixuxü, rü ngëma nixí i wüxi i mu i guxügutáma nagu pexíxü i cuma rü cunegü rü cutaagü. <sup>10-11</sup>Rü penaxwaxe i nüxü pecuax i ngëma aixcuma üünexü rü ngëma tama üünexü, rü ngëma aixcuma mexü rü ngëma tama mexü. Rü ngëmaacü tá meama penangüexëxë i duüxügü nax nagu naxíxü i guxüma i chorü mugü i Moichéwa pemaxá nüxü chixuxü —nhanagürü ga Tupana.

.....

#### Naxünagü i mexü rü naxünagü i tama mexü nax nangóxü

**11** <sup>1</sup>Rü nüma ga Cori ya Tupana rü Moichémaxá rü Aróümaxá nidexa rü nhanagürü nüxü: <sup>2-3</sup>—¡Namaxá nüxü pexu i ngëma Iraéutanüxügü rü marü name i nanangöxgü i guxüma i naxünagü i wenaxarü iyóxmüwemügüxü rü taxrepatüxü! <sup>4</sup>Notürü ngëma naxünagü i wena iyóxmüwemügüxü notürü tama taxrepatüxü ¡rü taxütáma penangöx! Rü ngëxgumarüxü ta i ngëma naxünagü i taxrepatüxü notürü tama wena iyóxmüwemügüxü ¡rü taxütáma penangöx! Rü ngëmaçax i ngëma caméru rü woo wena niyóxmüwemü notürü taxütáma penangöx, erü tama nataxrepatü. Rü ngëma rü wüxi i naxüna i tama mexü nixí nax nangóxü. <sup>5</sup>Rü ngëxgumarüxü i ngëma naxüna i teyóü (i nangaraxü). Rü ngëma rü wena niyóxmüwemü notürü tama nataxrepatü rü ngëmaçax tama naxüna i ngöxwa mexü nixí. <sup>6</sup>Rü ngëxgumarüxü i ngëma

naxũna i lébri (i nacuéliuraxũ) rü wena niyóxmüwemü notürü tama nataxrepatü. Rü ngëmacax wüxi i naxũna i tama mexũ nixĩ nax nangóxũ. <sup>7</sup>Rü ngëxgumarüxũ i cuchi rü woo nataxrepatü notürü tama wena niyóxmüwemü rü ngëmacax tama name nax nangóxũ. <sup>8</sup>Rü taxütáma penangõx i ngëma naxünagü i chachuxuxũ, rü bai nüxũ pingógümare ega nayuxgu! Erü naxũna i tama mexũ nixĩgü nax penangóxũ. <sup>9</sup>Rü natanüwa i ngëma choxnigü i dexáwa maxëxũ i márwa rüexna natügüwa rü tá penangõx i ngëma äxpëxátücaxwegüxũ rü ächicuxũ. <sup>10</sup>Notürü ngëma choxnigü i ngëxpëxátücaxwegüxũ rü ngechicugüxũ ;rü taxütáma penangõx ega woo márcüäx yixĩgu, rüexna natügücüäx yixĩgu, rüexna choxni i íxraxũ yixĩgu, rüexna choxni i taxũ yixĩgu, rü taxütáma penangõx! <sup>11</sup>Rü taxütáma penangõx i ngëma choxnigü i ngëxpëxátücaxwegüxũ rü ngechicugüxũ erü choxni i tama ngõxwa mexũ nixĩgü! Rü ngëxguma nayuxgu ;rü taxütáma nüxũ pingógü erü naxãüächi! <sup>12</sup>Rü ngëmaäcü i guxũma i ngëma dexáwa maxëxũ i ngëxpëxátücaxwegüxũ rü ngechicugüxũ ;rü taxütáma penangõx! <sup>13</sup>Rü ngëma werigütanüwa ;rü taxütáma penangõx i ngëma iyü rü dawü, rü dawü i márcüäx! —nhanagürü.

.....

**Ngunexũ i nagu ínaguxũ i ämaregü  
i chixexũarü ütanüruüchiga**

**16** <sup>2</sup>Rü Cori ya Tupana rü nhanagürü Moichëxũ: —¡Namaxã nüxũ ixu ya cuenexë ya Aróü rü tama name i ngëürüüxũ i

ngunexũgumare nixücu nagu i ngëma nachica i üünexũ i tüyemachiücaxwena ngëxmaxũ rü bai nüxna nangaicama i ngëma baúátaxũ nax tama nayuxücax! Erü chama rü ngëma baúátaüétüwa tá changexma nawa i ngëma caixanexũ. <sup>3</sup>Rü nüma ya Aróü rü name nixĩ i wüxi i wocaxacü i yatüxümaxã ngëxma chapataäxtügu naxücu nax ngëxma yamáaxücax noxrütama chixexũtanü. Rü ngëxgumarüxũ tá ta ngëma nanaga i wüxi i carnëru nax chaüxcax yaguäxücax. <sup>4</sup>Notürü naxüpa nax ngëxma naxücuxũ rü name nixĩ i naxaiyaxíra rü nagu nicux i naxchiru imáxpaxũ i lífuchinaxcax i woetama ngëmacax ixixũ, rü ngëma natüüchiru i lífuchinaxcax rü ta. Rü tá nügü nigoye rü nayangaxcuchi i napatëxe i lífuchinaxcax. Erü ngëma nixĩ i naxchirügü i woetama ngëmaruxũ ixigüxũ. <sup>5</sup>Rü ngëma Iraéutanüxügütanüwa rü taxre i bóyixacü tá niyaxu, rü ngëma tá nixĩ i duüxügüarü pecáducax choxna namuxũ. Rü ngëxgumarüxũ tá ta ngëma nanaga i wüxi i carnëru nax ngëma yaguäxücax.

.....

<sup>11-12</sup>Rü nüma ya Aróü rü tá chaüxcax nayagu i ngëma wocaxacü i noxrütama chixexũarü ütanüruxũ nax nüxũ nüxũ icharüngümaxücax i noxrütama rü napatacüäxaru chixexũgü. Rü nhüxüchi nüma ya Aróü rü naxünaarü guchicaxüwa tá nanayaxu ya áxwe ya naicü rü yimamaxã tá nanaxüäcu i ngëma pumáratëxearü guruüpáxũ. Rü naétü tá nanayaxu i taxreäcümexë i pumáratëxe i paacaxüchixũ. Rü ngëmamaxã tá tüyemachiücaxwegu naxücu. <sup>13</sup>Rü ngëma pumáratëxe rü tá chapëxewa nayagu nax

ngẽma norũ caxixũ i ngẽma pumára rü ngẽma baúátaũétügu nacaixnagüxũçax. Rü ngẽmaãcü tá nixĩ i taxütáma nayuxũ ya Aróu. <sup>14</sup>Rü yimá nagü i ngẽma wocaxacü rü tá íxracü ngẽma nanange rü naxmexmaxã tátama yimá nagümaxã nanamaxcuétü i ngẽma naxátaxũ i ngẽma baú i norü tügü necüwawaama. Rü nhüxũchi tá nanamaxcuétü i 7 expüxcüna i ngẽma naxátaũpexewaama. <sup>15</sup>Rü ngẽmawena rü tá nayamax i ngẽma bóyi i duũxũgüarü chixexütanü ixixũ. Rü yimá nagü rü tá ngẽma tüyemachiũçaxwena nanange. Rü ngẽma aixepewa rü yimá nagümaxã tá nanamaxcuétü rü nanamaxcupexe i ngẽma baúátaxũ ngẽma wocaxacügümaxã namaxcuãxürüxũ. <sup>16</sup>Rü ngẽmaãcü tá nixĩ i Aróu ngẽma nachica i üünexüwa iyanaxoxeẽãxũ i ngẽma chixexügu i Iraéutanüxügu nagu maxẽxũ rü ngẽma nax tama chauga naxĩnũexũ, rü guxüma i ngẽma togü i chixexũ i naxügüxũ. Rü ngẽmaãcü tátama nixĩ i chapexewa namexẽãxũ ya yima chapata i duũxügupataarü ngãxütanüwa ngexmane.

.....

<sup>20</sup>Rü ngẽxguma Aróu chapexewa marü namexẽngu i ngẽma nachica i üünexũ rü yima chapata rü ngẽma âmarearü guchicaxũ, rü ngẽxgumawena tá wüxiexũ namu nax yagaãxũçax i ngẽma bóyi i maxũxũ. <sup>21</sup>Rü ngẽma bóyierugu nanuxmexãcüma tá nüxũ nixu i guxüma i ngẽma Iraéutanüxüguarü chixexügu, rü norü nuxwaxegü, rü norü pecádugü. Rü ngẽmaãcü tá ngẽma bóyiwa tá nayaxüãchi i guxüma i ngẽma duũxũgüarü chixexügu. Rü ngẽmawena rü tá nüxũ naxuneta i wüxi i duũxũ nax

ínachianexüwa yataãxũçax i ngẽma bóyi. <sup>22</sup>Rü ngẽxguma ngẽma chianexügu yanataxuxgu, rü ngẽma bóyi rü tá nayange i guxüma i Iraéutanüxüguarü chixexügu nax ngẽma chianexüwa yawogüaxũçax.

.....

<sup>29</sup>Rü nhaa tá nixĩ i wüxi i mu i guxügutáma nagu pexixũ i pemax. Rü ngẽxguma yimá 7 ya tauemaciãrü 10 i ngunexüwa nanguxgu tá nixĩ i pexaurexũ. Rü tá ípeyachaxãchigüxũ i perü puracüwa i guxãma i pemax i Iraéutanüxügu. Rü ngẽxgumarüxũ tá ta nanaxügu i ngẽma duũxügu i to i nachixüanecüãxgü i petanügu açhiũgüxũ. <sup>30</sup>Rü ngẽma ngunexügu tá nixĩ i pexũ nüxũ icharüngümaxũ i perü chixexügu, rü ngẽmaãcü tá nixĩ i chapexewa pengearü pecáduãxgüxũ. <sup>31</sup>Rü ngẽma tá nixĩ i wüxi i mu i guxügutáma nagu pexixũ. Rü pema i ngẽma ngunexügu rü tá iperüngügu rü pexauree —nhanagürü ga Cori ya Tupana.

.....

#### Ngunexügu ga Tupanaarü cuãxüxũ nagu naxügüxũ

**23** <sup>1</sup>Rü nüma ga Cori ya Tupana rü Moichémaxã nidexa rü nhanagürü nüxũ:

.....

<sup>4</sup>—Nhaagü tá nixĩ i ngunexügu i chauxçax ípexüxüchixũ i guxcüma ya taunecügu. Rü ngẽma ngunexügu tã nixĩ i pengutaqexegüxũ nax choxũ pecuãxüũgüxũçax. <sup>5</sup>Rü yimá nüxíraxücü ya tauemaciãrü 14 arü yáuanecü, rü tá chauégagu penaxüchiga i ngẽma Üpetüchiga. <sup>6</sup>Rü ngẽmaarü

moxũãcütama rü tá chauégagu penaxü i poü i ngearü puxẽerũãxũ. Rũ 7 i ngunexũ tá nixĩ ipenangóxũ i ngẽma poü. 7Rũ ngẽma nüxíraxũxũ i ngunexũgu rü tá çauxçax pengutaqexegü. ;Rũ taxuxütama i puracü pexüe! 8Rũ 7 i ngunexũ tá nixĩ i çauxçax peyaguxũ i perü ämaregü. Rũ ngẽma norü 7 i ngunexũgu rü tá çauxçax pengutaqexegü. ;Rũ taxuxütama i puracü pexüe! —nhanagürü ga Tupana.

**Tupanaana nanaxã ga nüxíraxũxũ ga norü tríguarü o**

9Rũ yema nhaxguwena rü nüma ga Cori ya Tupana rü Moichéxũ nhanagürü: 10—Nhaa ore tá nixĩ i namaxã nüxũ quixuxũ i ngẽma Iraéutanüxũgü: “Rũ ngëxguma nagu pechocuxgux i ngẽma naane i chama tá pexna chaxãxũ, rü ngëxguma peyabuxgügu i ngẽma perü trígu, rü tá perü chacherdótena penaxã i ngẽma nüxíra pebuxuxũ i norü o i ngẽma trígu.

.....

15-16Rũ ngẽma ngunexũ i nagu ngẽma chacherdótexütawa penanaxũ i ngẽma nüxíra pebuxuxũ i trígu i perü ämareruxũ, rü ngẽma ngũxchigaarü ngunexũwéama üxũ i ngunexũwa tá ipenaxügü nax peyaxugüxũ i ngunexũgü nhuxmata 50 i ngunexũwa nangu. Rũ ngẽmawena tá nixĩ i wena choxna penaxãxũ i perü ämaregü i perü trígutaniüwa” —nhanagürü.

.....

**Tupanaégagu nanaxüchigagü ya naixatünaxçax ya düxenügü**

33Rũ yema nhaxguwena rü nüma ga Cori ya Tupana rü Moichéxũ nhanagürü:

34—;Namaxã nüxũ i xü i ngẽma Iraéutanüxũgü i nhaa ore: “Rũ yimá 7 ya tauemacüarü 15 i ngunexũgu tá nixĩ i penaxüchigaxũ nax chauégagu penaxüxũ ya perü düxenügü ya naixatünaxçax! Rũ 7 i ngunexũ tá ngëxma nagu pepegü.

.....

41Rũ wüxichigü ya taunecügu rü ngëxguma norü 7 ya tauemacüwa nanguxgux, rü tá chauégagu 7 i ngunexũ penaxüchiga nax naixatünaxçax ya perü düxenügüne pixügüxũ. Rũ ngẽma nixĩ i wüxi i mu i guxũgutáma nagu pexixũ, rü pexacügüwa rü petaagüwa rü tá ta naxüe. 42Rũ ngẽma 7 i ngunexũgügu rü guxãma i pema i Iraéutanüxũgü rü naixatünaxçax ya perü düxenügüwa tá pengexmagü. 43Rũ ngẽmaãcü tá nixĩ i penegü rü petaagü i nüxũ nacuxgüxũ ga yexguma Eyítuanewa pexũ íchanguxũëëxgux, rü naixatünaxçax ya perü düxenügüwa nax pexũ chamaxëëëxũ i pema i Iraéutanüxũgü. Erü chama nixĩ i perü Cori ya Tupana chixixũ” —nhanagürü ga Tupana. 44Rũ yemaacü nixĩ ga Moiché ga Iraéutanüxũmaxã nüxũ yaxuxũ nachiga ga yema ngunexũgü ga Tupanaçax tá ínaxüxichigüxũ.

.....

**27** 30—Rũ ngëxguma 10 wetaũ i penetüarü o pexũ ngëxmagu, woo trígu rüëxna woo taxacürü orix yixĩ, rü wüxi rü Tupanaarü nixĩ, erü marü nümatama nügüçax ínanaxüxüchi —nhanagürü ga Tupana.

.....